



REPUBLIKA E SHQIPËRISË
MINISTRIA E DREJTËSISË
MINISTRI

UDHËZIM

Nr. 11, datë 17.07.2020

**PËR MIRATIMIN E RREGULLAVE PËR MODALITETET, AFATET DHE MËNYRËN
E CAKTIMIT TË PËRMBARUESIT GJYQËSOR PRIVAT ZËVENDËSUES**

Në mbështetje të nenit 102, pika 4, të Kushtetutës, të nenit 7, të ligjit nr. 8678, datë 14.5.2001 “Për organizimin dhe funksionimin e Ministrisë së Drejtësisë”, i ndryshuar, si dhe të pikës 3, të nenit 48, të ligjit nr. 26/2019 “Për shërbimin përmbarimor gjyqësor privat”,

UDHËZOJ:

1. Ky udhëzim ka për qëllim të përcaktojë rregullat e zbatueshme për modalitetet, afatet dhe mënyrën e caktimit të përmbaruesit gjyqësor privat zëvendësues nga ministri i Drejtësisë, në rastet e parashikuara në ligjin “Për shërbimin përmbarimor gjyqësor privat”.
2. Dhoma Kombëtare e Përmbaruesve Gjyqësorë Privatë miraton, jo më vonë se data 10 shkurt të çdo viti kalendarik, listën me përmbaruesit gjyqësorë privatë zëvendësues të përzgjedhur sipas procedurave të përcaktuara në këtë urdhër.
3. Dhoma Kombëtare e Përmbaruesve Gjyqësorë Privatë cakton përmbaruesit gjyqësorë privatë në listë pas verifikimit të përmbushjes së kushteve të përcaktuara në pikën 4, të këtij udhëzimi.
4. Përmbaruesi gjyqësor privat, që kërkon të përfshihet në listën përfundimtare të përmbaruesve gjyqësorë privatë zëvendësues, të miratuar nga Dhoma, duhet të plotësojë kushtet e mëposhtme:
 - a) të mos ketë masë disiplinore në fuqi;
 - b) të ketë jo më pak se 3 (tre) vjet përvojë profesionale si përmbarues;
 - c) ndaj tij të mos ketë filluar procedimi disiplinor në kohën e paraqitjes së kërkesës për t’u përfshirë në listë.
5. Dhoma Kombëtare e Përmbaruesve Gjyqësorë Privatë, jo më vonë se data 10 dhjetor e çdo viti, publikon në faqen zyrtare të saj njoftimin për paraqitjen e shprehjeve të interesit nga përmbaruesit gjyqësorë privatë, për t’u përfshirë në listën e përmbaruesve gjyqësorë privatë zëvendësues. Thirrja për shprehjen e interesit:

- a) duhet të jetë e hapur për të paktën 2 (dy) javë përpara përfundimit të afatit të dorëzimit të tyre, si dhe
- b) duhet të përcaktojë informacionin dhe dokumentacionin e kërkuar për t'u dorëzuar bashkë me shprehjen e interesit.
6. Përmbauesit e interesuar për të qenë zëvendësues, duhet të depozitojnë me postë, dorazi në protokollin e Dhomës ose në rrugë elektronike dokumentacionin vërtetues të plotësimit të kushteve të përcaktuara në pikën 4, të këtij udhëzimi.
7. Jo më vonë se data 15 janar e çdo viti kalendarik, Dhoma Kombëtare e Përmbauesve Gjyqësorë Privatë verifikon nëse përmbauesit që kanë paraqitur shprehjen e interesit plotësojnë kushtet e parashikuara në pikën 4, të këtij udhëzimi. Lista me përmbauesit, që i plotësojnë kushtet, bëhet publike në faqen zyrtare të Dhomës Kombëtare të Përmbauesve Gjyqësorë Privatë.
8. Përmbauesit e përjashtuar njoftohen me shkrim, individualisht dhe në mënyrë të arsyetuar për shkaqet e përjashtimit. Ata mund të ankohen brenda 5 (pesë) ditëve nga data e njoftimit pranë ministrit të Drejtësisë. Ministri vendos brenda 10 (dhjetë) ditëve nga data e depozitimit të ankimit. Ndaj vendimit të ministrit mund të paraqitet ankim në gjykatën administrative të shkallës së parë.
9. Jo më vonë se 5 (pesë) ditë pas përfundimit të afatit të ankimit ose pas shqyrtimit të ankimeve nga ministri, Dhoma Kombëtare e Përmbauesve Gjyqësorë Privatë miraton listën me përmbauesit gjyqësorë privatë zëvendësues dhe ia njofton atë ministrit të Drejtësisë, si dhe e publikon në faqen zyrtare të Dhomës Kombëtare të Përmbauesve Gjyqësorë Privatë.
10. Lista e miratuar është e vlefshme deri me miratimin e listës për vitin pasardhës, sipas procedurave të këtij udhëzimi.
11. Ministri i Drejtësisë, për caktimin e përmbauesit gjyqësor privat zëvendësues, bazohet në kriteret e mëposhtme:
- a) nëse përmbauesi gjyqësor privat zëvendësues është në situatën e konfliktit të interesit me subjektet përmbauese të përmbauesit gjyqësor privat që zëvendëson;
- b) nëse përmbauesi gjyqësor privat zëvendësues ushtron veprimtari në të njëjtin rreth gjyqësor apo në një rreth gjyqësor të afërt më atë në të cilin ushtron veprimtarinë përmbauesi gjyqësor privat që zëvendësohet;
- c) vëllimin e punës së veprimtarisë përmbauese të përmbauesit gjyqësor privat zëvendësues;
- ç) ndaj përmbauesit gjyqësor zëvendësues të mos ketë filluar procedimi disiplinor në kohën e caktimit si zëvendësues.
12. Në urdhër përcaktohet data e fillimit të veprimtarisë si zëvendësues dhe afati i kryerjes së detyrës si përmbaues gjyqësor privat zëvendësues, sipas ligjit për përmbauesin gjyqësor privat.

13. Përjashtimit, ministri i Drejtësisë nuk cakton një përmbaues gjyqësor privat zëvendësues sipas kësaj liste, në rastet kur përmbauesi gjyqësor privat bën kërkesë për pezullim të përkohshëm, sipas parashikimit të nenit 26, të ligjit nr. 26/2019 “Për shërbimin përmbauesor gjyqësor privat” dhe propozon caktimin e një përmbauesi gjyqësor privat tjetër si zëvendësues i tij. Në këtë rast, ministri në urdhrin e pezullimit cakton edhe përmbauesin privat zëvendësues sipas propozimit.
14. Përmbauesi që zëvendësohet është i detyruar t’i kalojë dhe t’i lejojë përmbauesit privat zëvendësues aksesin e plotë për çështjet përmbauesore që janë në ekzekutim aktiv vazhdues dhe/ose çështjet që janë të pezulluara, që sipas kërkesës së subjektit kreditor vlerësohet se duhet të rifillojnë nga përmbauesi gjyqësor privat zëvendësues apo detyrohen të rifillojnë sipas një vendimi gjyqësor të formës së prerë.
15. Në rastin kur përmbauesi gjyqësor është pezulluar ose çregjistruar nga regjistrat për shkaqet e parashikuara në nenin 28, të ligjit nr. 26/2019 “Për shërbimin përmbauesor gjyqësor privat” ose për shkak të vdekjes, përmbauesit gjyqësor privat zëvendësues, të caktuar me urdhër të ministrit të Drejtësisë, i dorëzohen dosjet nga struktura përgjegjëse e Ministrisë së Drejtësisë që i ka administruar ato sipas parashikimeve të udhëzimit “Për caktimin e procedurës dhe afatet e dorëzimit të dokumentacionit nga përmbauesi gjyqësor privat dhe/ose zyrat e përmbauesit privat, të arkivit dhe vulës personale”.
16. Përmbauesi gjyqësor privat zëvendësues ka të njëjtat të drejta dhe detyrime, si përmbauesi gjyqësor privat që zëvendëson, për aq kohë sa kryen veprimtari përmbauesor në lidhje me çështjet përmbauesore që vazhdojnë për shkak të zëvendësimit të tij.
17. Përmbauesi gjyqësor privat zëvendësues, jo më vonë se 3 (tri) ditë pune nga fillimi i zëvendësimit, njofton palët në çështjen përmbauesore për vijimin, vazhdimin dhe ndjekjen e procedurave përmbauesore.
18. Përmbauesi gjyqësor privat zëvendësues, duhet të ketë një llogari bankare të veçantë në emrin e tij, për t’u përdorur vetëm për depozitimin e vlerave monetare të ardhura nga procedura përmbauesore vijuese dhe/ose për të mundësuar transfertat e vlerave monetare në zhvillimin deri në përfundimin e procesit përmbauesor apo deri në ardhjen e përmbauesit gjyqësor privat që zëvendësohet.
19. Në rast se gjatë periudhës së njohimit të zëvendësimit të përmbauesit, debitori në padijeninë e tij, ekzekuton pjesërisht ose plotësisht detyrimin në llogarinë bankare të përmbauesit gjyqësor privat që zëvendësohet, pavarësisht zëvendësimit, ky i fundit është i detyruar të kryejë transfertën e shumave kundrejt palës kreditore ose të autorizojë përmbauesin zëvendësues të bëjë transfertat nga llogaria bankare në emër e për llogari të tij kundrejt palës kreditore.
20. Përmbauesi gjyqësor privat zëvendësues transferon në llogarinë e përmbauesit gjyqësor privat që zëvendësohet të gjitha vlerat monetare që ndodhen në llogarinë e tij të veçantë, kur

përfundon së kryeri veprimtarinë përbarimore për shkak të zëvendësimit, brenda 2 (dy) ditëve sapo rifillon veprimtarinë përbarimesi gjyqësor privat që zëvendësohet.

21. Me përfundimin e veprimtarisë përbarimore për shkak të zëvendësimit, përbaruesi gjyqësor privat që zëvendësohet, detyrohet që të transferojë në llogarinë e veçantë të përbaruesit gjyqësor privat zëvendësues brenda 10 (dhjetë) ditësh, një pjesë të tarifës fikse dhe/ose të suksesit në një masë në proporcion me punën dhe me veprimet e kryera nga përbaruesi gjyqësor privat zëvendësues gjatë veprimtarisë së tij zëvendësuese.
22. Në kryerjen e veprimeve përbarimore gjatë periudhës së zëvendësimit, përbaruesi gjyqësor privat zëvendësues pasqyron emrin dhe mbiemrin e tij dhe përdor vulën e vet.
23. Me përfundimin e zëvendësimit, përbaruesi gjyqësor privat zëvendësues i kthen përbaruesit gjyqësor të zëvendësuar prej tij të gjithë dokumentacionin e çështjeve përbarimore mbi të cilin ka zhvilluar veprimtari gjatë periudhës së zëvendësimit. Përbaruesi gjyqësor privat i zëvendësuar njofton për këtë fakt palët e procesit përbarimor, si dhe gjithë institucionet shtetërore, personat juridikë publikë dhe privatë, që kanë lidhje me procedurat e ekzekutimit përbarimor jo më vonë se 3 (tri) ditë nga rifillimi i veprimtarisë përbarimore dhe marrjes së të drejtave procedurale nga përbaruesi që e zëvendësoi përkohësisht.
24. Afatet procedurale nuk cenohen dhe vazhdojnë pa asnjë pengesë për kryerjen e veprimeve procedurale vijuese, të mbetura dhe/ose që rifillojnë në çastin e përfundimit të zëvendësimit apo të fillimit të veprimtarisë së përbaruesit gjyqësor privat zëvendësues.
25. Ngarkohet Dhoma Kombëtare e Përbaruesve Gjyqësorë Privatë, Drejtoria e Përgjithshme Rregullatore e Çështjeve të Drejtësisë dhe çdo përbarues gjyqësor privat për zbatimin e këtij udhëzimi.

Ky udhëzim hyn në fuqi pas botimit në Fletoren Zyrtare.

